


大日本史

自二十五
至二十六



香分書冊

和書門	類	號	函	架	冊
		一三二一六	二七	一三	五三

內閣文庫	和書	類	號	冊	函
		一三二一六	五三	一八	三八

內閣文庫		
番號	和	13216
冊數	53 (13)	
函號	138	102




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale




© Kodak, 2007 TM: Kodak





大日本史卷二十五

本紀第二十五



權中納言從三位源光圀修

男權中納言從三位細條校

仁明天皇

仁明天皇諱正良嵯峨帝第二子也

紹運錄
皇代紀

第一代要記作
子並非母皇后橘氏弘仁元年生焉

據歷代皇
帝王編年記皇后嘗夢手自引圓座累之其

高不知所極每一加累誦三十三天既而誕

淺草文庫

天皇初為親王本親王據曰十四年四月淳和

帝踐祚立為皇太子時年十四嵯峨帝作書

辭之淳和帝不從年十四以八月加元服皇

代畧天長十年二月二十八日乙酉淳和帝

詔傳位左大臣藤原緒嗣右大臣兼左近衛

大將清原夏野權中納言兼右近衛大將藤

原吉野並如故左大臣以下是夕天皇上辭

表曰照以明鏡妍蚩難逃逼以思紛喜懼失

據臣道德兩蕪進退多躓情性雙昧執守无

常誰昔慮先皇於姑射優游霜雪之光順聖

后於後園匍匐章珮之陰而皇帝控下枉思

紫霄延登分外啓榮耀於欲隱導慈訓於未

知悲深所天愛鐘猶子辭不獲免久辱游雷

露往霜來十載於此德誘不倦顧恤殊甚思

欲隨形遂声心神是役然天畢地身余不疲

今亦推大室以錫昭華避樞極以授乾象前

愧未已後懼吏頻伏願日月負明之景每照

蒼生雲雨行施之思永潤品彙然則世寢宜

九日不史 卷之三十五
諱臣免譴諂若不蒙允容悉纏眾讜君臣之
議謂天下何淳和帝不聽二十九日丙戌再
上表曰人之所願天必隨道之所通物不擁
臣兼恩詔伏瀝血誠既踰匝辰未蒙允亮夫
大阳方照空履將泮之冰悚汗頻流猶臨不
測之底蹈焦非懼涉呂須傾大道无私冀垂
鑒許若不獲已猶御閑蹤則民厭善仁世倦
聖治然後遂洞庭之野於事終宣也當今群
臣得所黔首繫心覆燠之恩江海可謝亭毒


之德乾坤惟均加以雷門之下布鼓失声朝
阳之餘螢火難照意究詞尽不知所為君舉
必書恐遺物議伏用丹誠冰敢矯飾懇懇之
深重表陳請亦不聽天皇乃命車駕謁嵯峨
太上天皇及太皇太后於冷泉院還御東宮
丁亥晦詔立恒貞親王為皇太子淳和帝致
書辭之曰恭視今日詔冊立愚子恒貞為皇
太子獻旨謬隆盛典曲施夫游雷位重兼祧
事尊非德不昇非賢何守恒貞年實蒙幼器

非夙慧安可妄鐘大禮猥主也嘗肅奉周違
內知云真讀停嚴命更擇賢才在於重請寔
知免咥縱使天編不駐上令必行則失萬國
以負之望虧三辰曰敬之職三月戊子朔日
有食之天皇答表曰伏覽詔旨曰恒貞年實
蒙幼器非夙慧安可妄鐘大禮猥主也嘗夫
輕者重之瑞小者大之本故魏宮岐疑非老
大之情晉儲神姿是幼稚之謂然則聰惠在
性不限年齡伏誓前言既有故實臣頻表懷

抱心事共違家賓之慙倚誰為助伏願假彼
重明照朦昧資其寬博備遺忘臣之專愚聖
宸所驗雖云元德庶幾有隣冀垂矜憐賜緩
憤憤至誠不飾至敬无文伏表丹愿无地取
喻淳和帝復書曰內揆已審請易太子冲鑒
未迴憂心如灼易曰王雷莫若長子礼曰登
餒則以上嗣斯皆温文既習聖敬克蹈然後
正位前星贊業東序者也今恒貞漢莊難擬
周誦不追將何以禪光聖明助聰天宸而恩

褒逾屈血訴不成。獨謂非直。興談孰許。恐龍樓之守。爰墜鮑俎之譏。有聞望昭冊。辭必收紫。滬山朝事。隔无可閑。言父子。躰同理。當分疏。異於發。不恤緯尸。不裁樽之義。是以重復鋪陳。佇蒙矜聽。天皇奉還其書。二日己丑。詔曰。朕不免。獻託馭朽。象奔瞻公。卿而兢懷。顧此庶而軫念。思弘國憲。无虧成規。後太上天皇憲章。千古含育。万邦仁化。未澆機事。過脫今。檢詔旨云。天下多尊。百姓所苦。避位之号。

勿隨舊典。夫太上尊號。非唯一時。秦曰漢年。稱謂尚矣。朕以禮之為用。所以達天道。順人情之大實也。其在人也。如竹箭之有箝也。如松柏之有心也。故貫四射不改。柯易葉是以聖人知禮之不可以已也。糞脩先王之禮制。不私至公之興。要朕先自重表。遂蒙拒逆。空庸之軀。謗讟總集。若猶奉順。聖慮改易正名。天下仰瞻。何用取信。豈上尊號為太上天皇。皇太后曰。太皇太后。皇后曰。皇太后。普告天



下令知朕意淳和帝致書緝尊號天皇不敢
後六日癸巳即位於大極殿年二十四七日
甲午遷自東宮權御松本院八日乙未始臨
朝十一日戊戌以大納言藤原三守為皇太
子傳十五日壬寅御紫宸殿賜群臣酒賜親
王已下衣被有差是日罷權中納言藤原吉
野右近衛大將令陪淳和院二十日丁未轉
讀大般若經於大極殿祈穀禳疫禁斷天下
殺生三日二十四日辛亥以後三位攝氏公

為右近衛大將二十六日癸丑以皇女久子
內親王為齋宮高子內親王為齋院二十七
日甲寅遠江飢疫賑恤之夏四月戊午朔宴
紫宸殿按孟夏甸宴桓武帝延曆十二年始
見孟冬甸宴文武帝五年始見而是
年以後社令不絕其為三日庚申隕霜二十
恒例可知故此後不書

一日戊寅詔曰難觀之上日照先被龍輅所
遇愚典使降嵯峨院者先太上天皇光臨之
地茅宮聳構分東西之名區芝蓋駐蔭追汾
陽之高賞宣遊斯在引年其深然則當邑之

昨須霑慶幸近壞之戶豈无優恤時惟長藏
方申亭育思順天序式施恩澤山城葛野郡
貧民去年借貸未入者及雜賦未進等宜時
免之是日制五月節復用五日二十二日巳
卯遷御内裏二十五日壬午御大極殿觀出
雲國造所獻神宝受神寿五月十一日丁酉
武藏言多磨入間兩郡畷置悲田所建屋五
宇以資行旅許之是日敕令越前加賀能登
佐渡上野下野甲斐相摸武藏上總下總安

房等諸國貢相摸人十五日辛丑天寒人多
著襖子二十五日辛亥不豫二十六日壬子
大和言頻年不登例奉有欠請準弘仁十年
官符借國中富民稻以賑飢民許之仍敕曰
夫富豪所貯是貧窶之資也如聞先來所行
吏非其人只事借用无意邊給所以貧富俱
弊周急憐絕宜至秋收特遣使者悉令邊給
二十八日甲寅詔曰夫一穀不贍百姓不嫌
必遵救乏之典兼明勸穡之義是則求瘼恤

隱固本厚生雖沿革有時而斯塗元來朕虛
膺明命抚字黜黎思緝和平之猷以登仁壽
之域如聞諸國去年穀稼頗乖豐稔今茲元
元阻飢且疫朕為之司牧未克綏之靖言念
焉憮然何弭况小暑甫至藝殖鼎盛不有疠
情恐失肆力京畿七道諸國飢民宜量加賑
給令獲支洵事委守寧必也審察務崇簡惠
允副朕意六月二日丁巳禁山城近江丹波
等近都之山施作坑竅機搶六月以類聚國史三日

戊午令諸國貯賑給稻三代七日壬戌不豫
公卿陪殿上召僧加持分施被綿於七寺轉
經以禱八日癸亥公卿率眾僧侍殿上是日
有間令神祇伯大中臣淵真奉幣賀茂大神
又兼天下修理神社寺塔破壞敕曰如聞諸
國疫癘夭亡者眾自非修善何以禳災宜令
諸國各請練行僧限以三日晝轉金剛般若
經夜修藥師悔過九日甲子大赦天下詔曰
雲行雨施穹蒼所以宣慈含垢匿瑕元后於

馬搗澤朕肅義丕構詢以政塗大庇生靈期
於寧消夫赦令者本稱茂人之幸亦有奔馬
之喻朕非不知之但欲令其悔惡自新愛者
遷善加以特有所念感事興懷宜流肆告之
恩式暢作解之典唯常赦所不原者不在赦
限又去弘仁元年坐事配流者雖自陷朝憲
而人憐滄醫安倍清繼百濟愛筌故藤原仲
成男等並量移近國後五位下藤原貞本殊
放還京遠告赤縣莫後青衣敢以赦前更告

言者以其罪罪之已丑是月無己丑蓋乙丑之訛乙丑十日也

天皇疾瘳二十三日戊寅禁卷藻為澳敕曰
材獺已祭虞人入澤鷹隼初擊獮者囿山是
故殺不以礼曰暴天物取不以義為逆時候
如聞山城民藻卷捕奠惠薄潛鱗害及昆虫
微物失所既非德政之美下民天庾殆是濫
殺之報嚴加禁斷勿令更然此條類聚國史二十八
日癸未地震秋閏七月乙卯朔奉幣天下名神
豫防風水害二十四日戊寅越後言去年疫

癘疔發春耕失時寒氣早侵秋稼不稔今茲
 飢疫相仍死也者衆凶年之弊雖賑猶乏望
 請被許糶糶資此窮民許之二十八日壬午
 以霖雨奉幣帛於丹生川上松尾賀茂貴布
 禰等社以祈霽焉奉幣以八月甲申朔日
 食之十日癸巳觀先天皇及太皇太后
 於冷然院九月二十五日戊寅遊獵栗栖野
 冬十月十九日辛丑禱賀茂河十一月二日
 甲寅雷四日丙辰又雷九日辛酉本書作辛酉
後紀

畧又雷十五日丁卯本書作癸卯御八者
後類聚國史

院修禋祀十二月九日辛卯詔曰如聞諸國
 糶糶有利於民无損於公自今以後不立年
 限永俾行之十三日乙未行幸芥川野遊獵
 栗隈山

養和元年甲寅春正月二日癸丑觀後太
 上天皇於淳和院三日甲寅改元詔曰三微迭
 代必制之以嘉名五運因循終甄之以徽號
 是知正始重本之典群后同符履端建號之

規百王合契朕恭膺明命續守鴻基分至推
 遷節候亟換方令撰授癸歲天紀更始之辰
 大簇報春品彙惟新之日宜有草創以光舊
 章其改天長十一年為兼和元年四日乙卯
 觀先太上天皇及太皇太后於冷然院七日
 戊午御豐樂殿現青馬是日命僧空海修後
 七日御修法真言院御修法始于此是日以下據弘
法行狀要集抄引纂要抄行狀記及年中行事公事根源十六日丁卯先
 是太宰府言慶雲見筑前公卿表賀教報曰

禎符之應不肯虛行靈貺攸臻必鍾實德所
 以唐堯上聖猶讓而不狩漢光中興固距而
 鮮記朕丕兼寶曆司牧寰區化謝暨幽感乖
 勤物而今景雲著見公卿表賀朕之菲薄何
 以當之論不云乎百姓寧輯風雨調和此亦
 瑞也然則安危在于人事吉凶繫於政術政
 術或成休祥未能成其美王道欽明咎徵不
 能致其惡以此談之策勵為可冀也日慎一
 日雖休勿休賀瑞之言閉而不聽十九日庚

午任遣唐使以參議藤原常嗣為持節大使
彈正少弼小野篁為副使二十五日丙子加
賀疫病賑恤之二月壬午朔日有食之八日
己丑行幸芥川野十日辛卯敕曰萬民安樂
五穀垂穎不如最勝希有之力宜令諸寺有
封戶田園堪資供者勤修最勝王經法十二
日癸巳敕禁用金銀薄泥十三日甲午加賀
石川郡女子一產三子賜正稅三百束三品
明日香親王薨是月越後石見飢賑恤之三

月二十日辛未有物數百飛鳴于禁殿之上

声似海鷗此條本書係二月今併考夏四月

二日壬午公卿又表請賀慶雲制可六日丙

戌敕曰防災未萌兼致豐稔修善之力職此

之由宜令畿内七道諸國擇國內行者於國

分僧寺限以三日晝則轉金剛般若經夜則

修藥師悔過迄于事畢禁斷殺生如有疫病

亦谷禳祭此條舊史丙戌上行四月二十日

庚子淳紀傳博士加文章博士一員此條類

二十六日丙午敕京城諸寺轉讀大般若經一部金剛般若經十萬卷以禳疫氣五月十五日乙丑敕相摸上總下總常陸上野下野等國司勅力写一切經六月十五日甲子講仁王經於紫宸殿常寧殿及建禮門八省院諸堂宮城諸司諸局東西寺并南羅城門九百座以祈雨十七日丙申祈雨群神十八日下酉地震二十六日乙巳丹後飢賑給之二十八日下未奉幣大神宮及畿内七道名神

以祈雨二十九日戌申伊勢飢賑給之己酉晦轉讀大般若經於大極殿祈澍雨兼防風災秋七月八日丁巳雨十一日庚申御紫宸殿宴賜群臣十二日辛酉雨水十三日壬戌奉幣畿内名神命諸大寺及諸國講師修治以防淫霖十七日丙寅越前出雲飢賑給之二十二日辛未賜陸奥鎮守府印八月三日辛巳觀於冷然院九日丁亥先太上天皇遷嵯峨院十二日庚寅曲宴清涼殿是日芳宣

華譙賜近習以下近衛將監祿有差二十一

日巳亥暴風大雨拔木壞舍奉幣畿内名神

祈之九月十一日戊午奉幣大神宮按九月奉幣元

正帝養老五年始見此後率右他日難以為

例是年以後在九月旦七年九年並云例也

據此為永制可知故自冬十月二日己卯佐

此以往在九月者不載渡言慶雲見授位賜物詔曰朕忝臨紫宸撫

字蒼元化異成平道慙交泰將何以繼明前

燭通感上靈忝年景雲見筑前國濱九玄之

替貺歛五彩而摘章朕之菲虛推而不處距

公卿之奏寢慶賀之言而復有同瑞出佐渡

國公卿重表稱慶游陳朕固辭不免詳求諸

已豈伊寡德克致此乎祇由宗廟之靈載効

所蠻之應今者嘉茲休祉用答昊穹覃以湛

恩普霑寓縣十一日戊子車駕幸栗隈野放

鷹鷄十一月十一日丁巳左近衛將曹佐伯

宮成獻白鳥十二月五日辛巳詔施行令美

解二十五日辛丑雷

二年乙卯春正月三日己酉觀先太上天皇

及太皇太后於嵯峨院十四日庚申敕相摸
上總常陸上野下野等國分字負元梵釋兩
寺書目所載律論疏章紀傳集鈔二十二日
戊辰鑄承和昌宝錢是日雷二十三日己巳
天皇御射場二十八日甲戌遊獵芥川野元按
亨釋書是月幸振津于尼山見如意
尼然旧史脱缺无所考正故附于此二月二
十一日丙申御紫宸殿右大臣清原夏野献
芝草賜酒侍臣賜物有差二十七日壬寅遊
獵水生瀨野三月丙午朔宴紫宸殿二日丁

未地震十四日己未太宰府言壹岐島遙居
海中地勢隘狹人數寡少難支機急頃年新
羅商人來窺不絕非置防人何備非常請令
島徭人三百三十人帶兵伏戌十四所要害
之碕許之十六日辛酉下總飢賑之夏四月
二日丙子敕曰象著損上礼存寧儉王者則
之古今合契朕雖菲昧政予思存去泰就約
夙關情慮如今所有朕之兒息除親王之號
賜朝臣之姓先太上天皇丕恩困極玄澤更

加不令別姓冒以源氏使与曾拔而同蔭共
濟派而混流其前號親王仍旧不改同母後
產猶復一例等制准弘仁五年天長九年西
度敕書宣告中外咸得聞知三日丁丑敕令
十五大寺轉讀大般若經以禳諸國疫病此類聚
國史五日己卯敕天下修文殊會按三代格
置文殊會四年定會五月十一日乙卯避暑
并蓋此興其廢耳神泉苑六月二十九日癸卯敕令十五大寺
轉讀大般若經以祈豐稔又敕東海東山兩

道河津之處如置渡舟類聚又敕以下是夏近江

伊勢越前加賀長門飢賑給之秋七月甲辰

朔宴紫宸殿二日乙巳奉幣天下名神禳風

雨之災三日丙午以讚岐正稅穀賑沿路飢

民五日戊申奉幣太神宮防風西之災十四

日丁巳御紫宸殿始令正四位下菅原清公

侍讀後漢書二十日癸亥禁採近江雲母珠

此條八月甲戌朔霖雨霽賽畿内名神賑恤

佐渡飢疫二十一日甲午宴紫宸殿二十六

日己亥賜太宰府所貢漆綾於見直五位已

上按天長七年七月八年七月賜太宰府九
漆綾據之蓋恒例也然今元所考定

月癸卯朔宴紫宸殿冬十月十三日甲申幸

箕津野放鷹二十三日甲午奉新錢於嵯峨

淳和兩院賜皇太子及見直親王以下五位

以上二十六日丁酉雷冬十月以二十八日

己亥施新錢四万於京城平域名寺類聚十
國史十

一月七日戊申救禁僧尼濫行拾三代十二月

辛未朔御紫宸殿賜群臣酒賜侍宴親王以

下五位以上物有差十五日乙酉遊獵芥川

野二十日庚寅能登飢疫賑給之二十二日

壬辰幸神泉苑放集

三年丙辰春正月三日癸卯觀先太上天皇

及太皇太后於嵯峨院二十三日壬戌幸神

泉苑是月元戌蓋戌辰之
訛戌辰二十八日也幸神泉苑

放集二月十三日壬午幸神泉苑放鷄集二

十日己丑幸神泉苑放集三月庚子朔宴紫

宸殿十一日庚戌又宴紫宸殿十二日辛亥

地震是春伊勢尾張石見飢賑之夏四月十
七日乙酉御紫震殿觀賀茂祭使五月三日
辛丑避暑神泉苑釣魚九日丁未赦去年冬
雷恐有水害疫氣之災宜建之灌頂道場於
東大寺真言院置二十一僧夏中及三長并
月修息災增益之法以鎮國家永為恒例十
日戊申詔贈故入唐大使藤原清河故弟季
問安倍仲滿故入唐大使石川道益故入唐
判官紀馬上田口養年富耳南備信影紀三

寅掃守明位有差十四日壬子遣唐使發自
難波十八日丙辰大風雨折木發屋二十日
戊午地大震六月戊戌朔敕日者冰雨不降
陽旱弥旬示有豫慎恐損秋稼宜令東西二
寺及十三大寺畿内諸寺轉讀經王六日癸
卯奉幣松尾賀茂住吉垂水等社祈雨十三
日庚戌地震此條類聚國史二十一日戊午宴紫宸
殿是夏備中加賀伯耆若狹薩摩能登飢賑
給之秋七月六日癸酉白虹東方見十四日

辛巳^國饑賑之十五日壬午本書脫日據

^{畧補}之 救方今時屬西成五穀垂穗如有風雨

愆序恐損秋稼宜令五畿內七道諸國奉幣

名神禳災未萌長官率僚屬自親存戒祭如

神在必致微應十六日癸未以諸國疫病救

畿內七道諸國司轉讀大般若經奉幣國內

名神此條類聚畧是月太宰府驛奏遣唐使舶

海中遭風漂廻八月二十四日辛酉轉讀大

般若經於八省院以禦疫氣九月丁卯朔御

紫宸殿宴侍臣賜綿十五日辛巳遣唐使入

京類聚國史十一月九日甲戌有怪雲竟天二十

八日癸巳因饑八上郡女子一產四子賜正

稅三百束此條類聚國史十二月六日庚子天皇御

建礼門發遣大神宮幣帛是日敕曰頃者霹

靂于四天王寺破壞塔廟恐是咎徵宜令東

大新藥師興福元興大安四天王等十九寺

轉讀大般若經三日夜二十二日丙辰幸神

泉苑敎集

四年丁巳春正月三日丁卯觀先太上天皇
及太皇太后於嵯峨院二月二十日癸丑備
前飢賑給之三月四日丁卯彗星東南見七
日庚午以尾張河溢詔復課口三分之一二
十日癸未美濃言兵庫自鳴二十二日乙酉
為再發遣唐使奉幣帛於大神宮是月遣唐
使發和泉淡路美作飢賑給之夏四月十六
日戊申陸奧言玉造塞溫泉石神振動如雷
五月七日己巳近城諸寺淫濫屢聞詔定別

當令其糾正以文武官五位明察鯁直者為
之二十一日癸未伊豫飢賑之六月六日丁
酉出羽最上郡建濟若院八日己亥罷右大
臣清原夏野左近衛大將八日以下十三日
甲辰有虹六見于内裏紀畧十六日丁未敕五
畿内七道諸國奉幣名神豫防風雨此條類聚國史
神祇部及紀畧係十九日庚戌地震二十一
日壬子敕疫病間發疾苦者衆宜令五畿七
道於國分寺始自七月八日限三日晝讀金

日本書紀 卷之二十五 二十

剛般若夜修藥師悔過迄于事竟禁斷殺生

此條 二十一日癸丑遣使山城大和河内攝

津近江伊賀丹波等七国鎮祭以禦沴氣類

史 二十三日甲寅以中納言源常兼左近衛

大將二十八日己未備後飢賑之遣使山城

大和等奉幣名山以祈雨遣使以 秋七月十

六日丁丑地震二十二日癸未太宰府馳傳

言遣唐使遇逆風而歸八月二十九日庚申

復陸奥課丁三千二百餘人五年九月二日

壬戌地震四日甲子不豫頒遣中使誦經七

寺八日戊辰遣式部少輔良峯木連於八幡

宮齎幣帛賽宿禰此條類 三十九日己丑天

皇疾瘳冬十月辛卯朔以霖雨經日穀價踊

貴召左右京亮右衛門檢非違使於殿前宣

敕遣之勅録東西兩京飢病百姓賑恤之七

日丁酉右大臣清原夏野薨十一月八日戊

辰幸神泉苑放集二十七日丁亥復幸神泉

苑放雉十二月庚寅朔日有食之二日辛卯

夜盜入皆興殿竊絹五日甲午夜女盜二人

入清涼殿宿衛捉獲一人十一日庚子大風

庚子按上有庚子不應復揭蓋庚夜盜穿大

藏省東長殿壁竊絕布二十二日辛亥遣六

衛府大索城中

五年戊午春正月三日壬戌觀先太上天皇

及太皇太后於嵯峨院十日己巳以大納言

藤原三守為右大臣兼皇太子傳如故兼以下神

任二月三日癸巳天皇御射場觀賭射九日

丁酉令畿内諸國司糾勅群盜十日戊戌令

山阳南海諸國司捕紮海賊十二日庚子遊

獵水生瀨野分遣左右衛門府生看督等於

畿内諸國追捕野盜三月二十六日癸未敕

改定服色夏四月二日己丑敕遣使者於大

和錄富豪之資借債困窮之輩至秋收時償

之五日壬辰敕五畿七道諸國自遣唐使進

發至歸朝讀海龍王經七日甲午為去歲年

穀不熟疫病四發敕天下諸國讀大般若經

一七日禁殺生此條類聚十三日庚子以筑

前苑後肥前豐後等頻年遭疫且疲造舶窮

貧者給復一年十四日辛丑太宰府管内諸

國飢賑給之二十一日戊申備前飢賑恤之

五月十八日甲戌轉讀大般若經於八省院

五日以祈天下豐樂此條類聚二十八日甲申地

震六月二日戊子又震類聚二十六日壬

子御清涼殿令大宰助教直道廣公讀群書

治要秋七月五日庚申太宰府奏遣唐使進

發紀畧十一日丙寅幸葛野川觀奠是日大和

飢賑給之是日紀畧十七日壬申頒幣諸國名

神以祈秋稼十八日癸酉有物降如粉遇雨

不銷或降或止二十日乙亥東方有聲如鼓

此條類聚二十一日下丑奉幣大神宮祈秋稼二

十四日庚辰以災異讀仁王經於紫宸殿三


日此條類聚二十六日辛巳山城飢賑之二十九

日甲申御八省院奉幣大神宮以祈豐年八

月十四日己亥震於監物局柳樹一男子震

死十九日甲辰奉幣帛白馬於貴布祢丹生
川上以祈晴二十日乙巳暴風大雨壞民廬
舍二十三日戊申備前飢賑之此條二十八日
癸丑奉幣賀茂松尾七訓至水佐吉等名神
以祈晴九月八日癸亥復祈晴於貴布祢丹
生川上九日甲子不豫停節但賜見直親王
侍從已上菊酌十日乙丑誦經七大寺施御
被以禱疾後七月至是月河内參河遠江駿
河伊豆甲斐武藏上總美濃飛騨信濃越前

加賀越中播磨紀伊等十六國相繼言天雨
物如灰冬十月四日戊子遣左兵庫頭固野
王等奉神宝於太神宮十三日丁酉召諸司
官人能書者五位已下四十人於冷然院写
金剛寿余陀羅尼經一千軸十四日戊戌白
虹竟西山南北二十二日丙午彗星東西見
其氣赤白竟天数許里十一月七日辛酉救
逆者妖祥屢見氛祲不息思民与歲忘寢与
食其念黎庶无疾疫之憂農功有豐稔之喜



莫如般若妙誑之力大矣不二之德普告京畿七道令書寫供養般若心經限以三日禁斷殺生二十七日辛巳皇太子加元服於紫宸殿十二月十五日己亥流遣唐副使彈正少弼小野篁於隱岐

六年己未春正月甲寅朔以皇妹芳子內親王薨廢朝七日庚申御紫宸殿覽書馬二十一日丙子彗星西方見長一丈許閏月二日乙酉觀先天天皇於嵯峨院十六日己亥

行幸美都野十八日辛丑遊獵水成瀨野二十三日丙午敕如坻之野由有年多稔之獲在務業去年勸農諸國致稔今茲不勸習俗猶急宜令諸道諸國勸課農桑必期豐衍又敕如聞諸國疾疫百姓夭折宜令天下國分寺限以七日轉讀般若兼遣僧醫隨道治糲又令鄉邑每季敬礼疫神二月十三日乙丑幸神泉苑遊覽北野皇太子從駕駐蹕於右近衛馬埒命先驅近衛等騁試御馬十五日

丁卯令東西兩寺講讀般若心經以攘彗星
三月四日乙酉給復陸奧窮民三万餘人三
年敕相摸武藏上總下總常陸上野下野七
國字大藏經十六日丁酉流遣唐知乘船事
伴有仁曆請益刀岐雄負曆留季生佐伯安
道天文留季生志斐永世等於依渡二十九
日庚戌祈雨於貴布祢兩師二神有應賜諸
衛府等物有差夏四月二日癸丑遣使伊勢索
捕名張山中私鑄錢群盜七日戊午地震美

濃惠奈郡飢賑給之十日辛酉祈雨於丹生
兩師神十七日戊辰不豫誦經都下七寺敕
頒幣於松尾賀茂等諸社又限七日讀仁王
經於十五大寺以祈雨二十日辛丑敕七道
諸國寧奠幣名神以幣二十一日壬申遣使
奉幣太神宮及山城宇治綴喜大和石成須
知等社祈雨二十五日丙子遣參議安倍安
仁中務大輔紀名虎等於神功皇后山陵謝
伐陵樹二十六日丁丑陸奧奏客星見地震

又以州請益多賀城戍兵一千二十七日戊寅轉讀大般若經於八省院三日以祈雨諸司餅食及晚雨降五月十二日壬辰河內獻搗樹高僅二寸餘而花六月庚戌朔遣使丹貴二社四日癸丑敕諸寺讀經悔過三日夜以祈雨六日乙卯令東西市人鬻於朱雀大路六月以紀畧十五日甲子慶讚諸佛像於東寺十六日乙丑敕頃緣旱涸頒使祈雨頗似有應未能普潤宜請七大寺僧於東大寺三日

夜間令稱龍自在王如來名號二十八日丁丑夜有赤氣有數十丈從西南至紫宸殿上去地二十許丈光如炬火須臾滅秋七月五日甲申以有怪轉讀大般若經于紫宸常寧二殿八日丁亥地震二十一日庚子令畿內國司勸種蕎麥八月庚戌朔嵯峨上皇不豫天皇觀焉是日敕諸國重修文殊會四日癸丑又觀嵯峨院讀經延曆寺以禱上皇疾是日祈晴於丹貴二社是日以下紀畧七日丙辰敕內

大日本史 卷之三十一

大日本史 卷之三十一 二十七

外諸國奉幣神祇以祈秋稼九月十七日乙未遣唐持節大使藤原常嗣還自唐二十二日己亥敕停諸國分寺最勝王經會吉祥悔過修之國廳以為恒例冬十月己酉朔越前言慶雲見八日丙辰重禁麥苗飼馬十三日辛酉奉唐物於大神宮十一月二日庚辰御大極殿遣使奉幣於大神宮五日癸未尙宮災燒官舍一百餘宇十二月二日庚戌遣參議文室秋津奉幣於大神宮告尙宮災八

日丙辰公卿表賀慶雲敕曰上靈施貺允歸神功玄鑒降休心符茂烈是以德佩就日猶揚克讓之謙光化揮仁風逾發靡記之挹損朕祗業丕緒嗣守宗祧履薄以想雍熙馭朽以求至道而誠慙經遠明謝勤天何以致景雲之禎祥當槐棘之奏賀若嘉穀栖畝種稔亘原雖匪郁〇之冰煙而朕之往寤也古人不云乎見祥僧戒則休徵應機人貢忠誠以輔不逮重賀之事都所不罕十三日辛酉御

建禮門分遣使者奉唐物於後田原八島楊
梅栢原等山陵十七日乙丑遊獵於水成瀨
野二十日庚午再御建禮門奉唐物於長岡
山陵

七年庚申春正月十一日戊子不豫十三日
庚寅地震二十日丁酉以不豫停內宴二月
二日己酉觀于先太上天皇及太皇太后十
二日己未以京師多盜六衛府巡夜十四日
辛酉召還流人小野篁十六日癸亥召還流

人伴有仁刀岐雄貞二十三日庚午敕如聞
奸宄之賊寔蓄有徒或暗夜放火或白晝奪
物靜言流弊情切納隍宣下知左右京職五
畿七道諸國嚴加督察搜認閭里隨獲且遠莫
致誓緩二十四日辛未敕賑恤京中高年隱
居及飢病百姓等二十六日癸酉敕國家隆
養要在富民倉廩充實良由有年故耕耘及
時必致京坻之蓄稼播失候還招飢饉之憂
農之為道豈不勗欤去年冬旱作災嘉穀凋

州史
卷之三
其
姜百姓阻飢國用闕乏雖災異之臻則是天
道而庶民之愚恐有倦惰方今青秋入序倣
載南畝勸課之事適在此時宣告五畿內諸
國戒以農事隨時催勸莫致懈怠三月六日
壬午分遣六衛府搜捕京中竊盜十九日乙
未敕頒者風俗澆漓凋弊相屬省費之術儉
約是憑宜自今以後女所服裳夏之表紗冬
之中裙不論貴賤一切禁斷一裳之外不得
重着夏四月丙午朔日有食之八日癸丑灌

佛於清涼殿灌佛始于此二十三日丁卯頒
行諸司百官改正格式二十三日戊辰敕敬
神如在視民如子國宰能事古今通規是以
屢施條章觀彼治道而吏承公平民苦疾疫
年穀不登飢饉荐臻論之政迹理合懲肅宜
更下知五畿內七道諸國改既往之怠成方
來之勤巡行所部修造神社祔宣祝等若有
怠者依格決罰二十五日庚午奉幣松尾賀
茂乙訓貴布祢丹生川上兩師垂水等社祈

澍雨防風災五月二日丁丑但馬言養父郡
兵庫鼓元故夜鳴声聞數里又氣多郡兵庫
鼓夜自鳴声如行鼓是日敕五畿七道諸國
播殖黍稷稗麥大小豆及胡麻等類五日庚
辰以後太上天皇不豫停節八日癸未後太
上天皇崩十三日戊子葬淳和天皇十七日
壬辰公卿奏請易服臨朝十九日甲午詔曰
比者昊穹不弔後太上天皇登遐龍髯之駕
方遙鳳紼之行靡及朕甫鐘斨疚痛結荒神

懷荼蓼以纏悲制苴菜而展禮夫慎終追遠
自有通規以日易月唯稱摧喪而葬訖釋纓
載在遺訓群公虔奉確請莫違憑几之言理
難拒忤至公之議抑當有徇故今屈思心以
從權奪宣告中外俾知此意二十日乙未以
飯米錢振給京師飢病者二十三日戊戌天
皇除服臨朝二十五日庚子攝津飢賑之六
月九日癸丑祈雨於貴布祢丹生川上兩師
諸社十三日丁巳敕去年秋稼不登諸國告

九
卷之三十一
凱今茲疫病間發大傷米殍加以季夏不雨
嘉苗擬燹夫銷殃受祐必資般若之力護國
安民事由修善之功宣命五畿內畫轉大般
若經夜修藥師悔過限以七日禁斷殺生十
四日戊午亦修讀經悔過於十五大寺十五
日己未奉幣帛於大神宮及賀茂松尾等社
又令內外諸國奉幣神祇祈雨十六日庚申
詔曰哲后撫運寔約己而臨人明王會昌必
推心而濟物是以義農隔代同期於勤勞勩

華殊時共均於愛育朕祗膺景命嗣守丕基
日慎虞懷不以九重自樂夕惕興想每以億
兆為憂而政化未孚至誠靡達去年阴阳乖
隔秋稼弗登頃者偏亢淹旬藝殖或損如聞
諸國飢疫從公喪亡朕之菲虛黎元何罪仰
誓前烈德是除邪內求諸心抑可挹損其朕
服御常膳等並宜省減左右馬寮秣穀一切
權絕諸作役非要者量事且停控圖之中恐
有寃者速命所司申慮放出加之天下諸國

有水之處任令百姓灌溉先貧後富鰥寡孤
獨不能自存者量加振贍其卧病之後死人
觀養多致夭折凡國郡司為民父母而不顧
念豈稱子育宜就班穀藥令得存活又免除
五畿內七道諸國去兼和二年以往調庸未
進在民身者但東海東山山陽三道驛戶田
租限三年殊從原免庶油雲布影施甘澤於
十旬嘉苗亘原野京坻於萬畝十八日壬戌
大雨二十二日丙寅公卿奏請減五位已上

封祿不聽二十八日壬申公卿又奏請推中
納言藤原良房傳旨曰食封之家依請減之
人別四分之一但四位五位秩祿惟薄今年
之間不可減省二十九日癸酉敕項者澍雨
頻降嘉穀滋茂如有風災恐損農業宣令五
畿內七道諸國奉幣名神豫防風雨秋七月
五日戊寅奉幣帛於大神宮以祈秋實七日
庚辰右大臣兼上皇太子傅藤原三守薨十
日癸未令五畿七道諸國諒闇之間停釋奠二

十一日甲午御紫宸殿始覽万機八月八日
 辛亥以大納言源常為右大臣兼左近衛大
 將如故兼以下二十一日乙丑加源常皇太
 子傳九月二十一日癸巳太宰府言肥後阿
 蘇郡神靈池涸四十丈冬十月二日甲辰日
 有食之四日丙午以旱減皇太子膳四分之
 一二十一日癸亥以不豫誦經於京師七寺
 二十六日戊辰西方有声如鼓十二月二十
 七日己巳太宰府言新羅張室高私遣使獻

方物却之

八年辛酉春正月壬申朔以諒闇廢朝四日
 乙亥延僧於清涼殿晝讀藥師經夜結界悔
 過二月十三日甲寅以飢饉給復出羽百姓
 二万餘人一年是月信濃地震三月壬申朔
 禁春日神山狩獵伐木二十八日己亥詔曰
 聖哲凝範應天心以運行昊穹演鑒隨人事
 而通感故殷王修德桑穀自祐宋景崇善法
 星遽退暎以寡昧祗膺宝圖虛已勵精日慎

一日先王經國之道永言涉求列聖綏民之
方載深追採所以人无疵疠世致雍熙而明
信未孚咎徵斯應太宰府言肥後國阿蘇郡
神靈池涸一定之盈科歷水旱以自若而今
先故涸減四十丈靜思厥咎朕甚懼焉詢之
蕃龜告以旱疫今欲因循徃烈則象前規施
以德政防茲災眚宜每寺存戒共致薰修每
社奉幣式祈靈祐天下庶民今年雜徭縱難
事多莫過古日至於有間逾亦省之艱寡惻

獨不能自存者量加振濟凡厥國宰咸自策
勉詳求人瘼使无冤滯且夫旱暵之來或閔
恒數自非巨變唯在勤救而已宜脩理陂池
勿乏溉灌又太宰府者匪亶古來鎮遏之區
兼又當時怪見之地也最須先慎以備不虞
夏四月辛丑朔日有食之二日壬寅敕神明
之感非信不通帝王之功非道何達宜令五
畿内七道諸國國司講師相共存戒於部内
諸寺轉讀金剛般若經庶使紫宸增室筭之

長赤縣絕天折之患兼復風雨調適年穀豐
登三日癸卯日赤如血二十九日己巳奉幣
松尾賀茂乙訓貴布祢垂水佐吉兩師神祈
雨防風五月三日壬申遣參議正躬王於神
功皇后山陵禱國家平安十二日辛巳兩十
四日癸未讀經於八省院以祈雨是日兩二
十日己丑遣勅解由長官和氣仲世奉幣八
幡大神及香椎廟是日敕修福減眾佛道是
先傳法興教人倫為木如聞諸國定額寺堂

舍破壞佛經曝露三綱檀越无心修理頃年
水旱不調疫癘間發靜言其由恐緣彼谷宜
重下知五畿內七道諸國修理莊嚴定額寺
堂舍并佛像經論今須每寺立可修理之程
付朝集使言上習常不草並處眾科六月庚
子朔宴紫宸殿敕頒者耳兩屢降苗稼滋茂
此則修善之功時致感應宜令內外諸道準
去四月二日拾旨近千秋叔內司講師率國
分僧轉讀金剛般若經以祈豐年二十二日

辛酉遣使奉幣大神宮及賀茂御祖社以禱
池洞地震之災秋七月五日癸酉詔曰上玄
无私運神切而下濟至人忘已推聖德而敷
仁是以四眎未入舜貽沈首之憂一物有違
為發陷危之軫朕膺丕命祗守宗祧詢可機
而停食睦民瘼而无寐而惠化罔孚至道猶
鬱咎徵之戒不言而臻如聞伊豆國地震為
變里落不完人物損傷或被壓沒靈譴不虛
必應批政瞻言往躅内愧于懷傳不云乎民惟

邦本本回邇寧朕之中襟諒切字旨故今殊
發中使就加慰抚其民居散逸生業陷失者
使等与所在國吏斟量除當年租調并開倉
賑救助修屋宇湔亡之徒務從葬埋夫化之
所被无隔華夷惠之攸覃必該中外宜不論
民夷普施優恤詳暢寬弘之愛副朕推清之
懷十五日癸未震於大極殿東樓而電大如
暴子二十一日己丑敕令五畿七道諸國奠
幣名神以祈嘉穀二十六日甲子御八省院

奉幣帛於大神宮以祈豐年八月十九日丙辰以太宰府曹百四口充對馬島防火丁卯晦雨水莫幣兩師以祈晴九月戊辰朔洪水漂流百姓廬舍壞京師橋梁及山碕橋冬十月四日庚午不豫遣使誦經都下七寺及平城七大寺翌日而瘳二十七日癸巳又不豫二十九日乙未以上不豫有伐陵木之崇遣參議正躬王右近衛中將藤原助等禱於柏原山陵十一月丁酉朔日南至公卿表賀六

日壬寅雪星西方見二十日丙辰赦詔曰賦象不忒九玄施仁與物為春一人救世故能功高振古軒昊之化允諧事美遐年勛華之業逾峻朕以寡昧忝臨黎苗抗事思憊每深懷抱迺者有司奏言今年十一月朔旦冬至當天統之嘉數發無疆之丕基歷駕說而希聞佇上德而演貺夫乾鑿玄遠必感聖堯自顧菲虛何人靈睠思與天下共斯休祉庶施愷澤於萌俗答嘉貺於昊穹十一月十七日

壬午以彗星屢見讀大般若經於八省院三日又令五畿七道諸國讀之迄期禁殺生十日甲申左大臣藤原緒嗣等上日本後紀此條類聚國史二十二日丁亥長門言渤海來貢九年壬戌春正月三日戊戌觀于太上天皇及太皇太后二月三日戊辰地震二十九日甲午地震三月十一日丙午敕比者春雨降少枯旱日多百姓輟耕不能播種宜準弘仁九年四月二十五日拾不問王臣田所有水

之處任令百姓耕作降種遷種之後各歸其主神寺田宜固準此又溉水養由先賤後貴但事權時不得為例十五日庚戌敕五畿七道諸國讀經悔過於國分寺限三日夜禁止殺生若有天行之慮國司到境祭疫神共禱豐稔是日遣使祈雨貴布祿住吉壘水丹生川上等諸社十六日辛亥地震無品恒統親王薨二十二日丁巳遣使祈雨松尾鴨御祖別雷乙訓等名神是日雨夏四月十一日乙

亥以修理内裏遷御冷泉院五月二十七日

庚申救五畿七道諸國及太宰府祭疫神此條

類聚六月五日戊辰遣使奉幣太神宮祈禳

疫氣十五日戊寅地震二十三日丙戌澍雨

大降秋七月三日乙未以有崇遣使奉幣筑

前宗像神竈門神肥後健甞龍神等諸社六

日戊戌奉幣貴布祢乙訓丹生川上兩師神

社祈雨是夕兩八日庚子以上皇不豫停相

撲節十一日癸卯罷大納言橘氏公右近衛

大將此條以中納言藤原良房兼右近衛大

將十四日丙午詔曰春生夏長聖皇流愷悌

之思含垢藏瑕哲后存寬大之令矧深仁所

感神乃降於殊祥積德似鍾天必貽於永福

頃者太上天皇聖躬不豫秋景暉少仙雲色

愁朕自若熱病未陪嘗藥於是命從御以備

駕佇悶焚之有間而心事不諧農昏推去將

恐臣子之道有缺孝敬之至不申終日依頃

通宵忘寢精誠之禱靡所不臻而幽明之扶

猶有未應思憑作解之施冀致翌日之瘳可
大赦天下常赦所不免咸赦除十五日丁未
太上天皇崩準批遺詔停百官及五畿七道
諸國奉哀素服之禮十六日戊申葬嵯峨天
皇十七日己酉春宮坊帶刀伴健岑但馬權
守攝逸勢等謀及覺令六衛府同守宮門
分遣右近衛少將藤原富士麻呂右馬助佐
伯宮或捕之遣使守山城五道十八日庚戌
冷然院松樹自折十九日辛亥掃獄宥盜左

京工町災是日命神祇伯大中臣淵無祈禱
伊勢八幡以謝卜早有崇二十日壬子轉讀
大般若經於大極殿三日以祈雨遣使班給
遭火百姓錢二十一日癸丑兩須史而晴更
延讀經二十三日乙卯天皇御冷然院詔廢
皇太子大納言藤原愛發中納言藤原吉野
參議兼春宮大夫文室秋津等以下貶黜有
差二十四日丙辰遣參議朝野鹿取等於嵯
峨山陵告廢太子是日遣使賑贍京師二十

八日庚申流播逸勢於伊豆伴健岑於隱岐
八月壬戌朔公卿表請立太子二日癸亥詔
曰迺者遭家不造慘結競惶劔舄終存橋山
之慕弥切天地改色諒闇之居弗寧而凶邪
扇惑將行不軌宗祏降祐覺露伏辜事屬震
宮洵留失耀今群公以斷金之誠致立嗣之
請趣由憲章非可謙拒然而周建季歷木運
千斯克昌漢黜臨江炎政藉之延祚朕之菲
薄無子賢明宜擇神授之英徽立玄鑒之紹

遠展也大成則所望矣四日乙丑公卿重上
表請立太子是日詔立道康親王為皇太子
以右大臣源常為傅兼左近衛大將如故十
一日壬申奉幣大神宮祈稼穡豐稔十四日
乙亥地震二十七日戊子詔曰百城煙峙振
綱紀者歸乎牧千里風行班章條者待乎宰
是以懸衡御弁握鏡臨圖欲廣雍熙之功必
資循良之吏朕以虛寡懋惟帝績割珪符以
責成少憂之職攸憑紆銅墨以推最求瘼之

奇斯在而朝章難副國憲易纏躬不率正私
顧之謗滋興職乖怡居公方之節已墜單父
之民未感絃歌清河之吏屢陷微纏劾狀盈
閣已治斷文載車不勝邊緣大行天皇聖躬
不豫敷暢鴻思洗滌塵穢而有司執奏不在
敬限朕悲夫春拓之樹雷蟄之蟲或身歸農
野撫萃髮而惕慮或志在名節望榮路而
思此之可愍畜干素懷宜兼和九年八月二
十七日以前外吏秩滿未得解由者已言上

未言上咸悉原免兼和二年以性雜米雜穀
及五年以性雜文易等並皆停留莫貢輸貢
朕聞於舊事訪之遺塵恩雖無涯赦亦有限
而今日之所行先王可不放既不依祖業豈
須貽孫謀後代之論者亦將知乎此誠念欲
令一蹶之驥更展足於長途 詔文類聚國史 九月五
日丙申敕令相摸武藏常陸上野下野陸奥
等國寫進三史二十日辛亥敕去四月四日
卜曰來年春夏間可有疫氣宜奉幣太神宮

大日本史 卷之三十一

及天下名神防災未然二十七日戊午冷然
院大垣西北角無故頽壞二許丈久十月十
四日甲戌敕左右京職東西悲田院欽島田
鴨河原等溺斃二十二日壬午彈正尹三品
阿保親王薨二十三日癸未充義倉物於悲
田聚葬鴨河溺斃十一月辛卯朔不豫十四
日甲辰地震十七日丁未遷自冷然院御禁
宮二十一日辛亥西南有雷聲十二月五日
乙丑始御紫宸殿十二日壬申地震十五日

乙亥西南有雷聲二十日庚辰詔遣參議滋
野貞主奉神宝弓劔等於角列山池上陵祈
國家平安

十年癸亥春正月庚寅朔以諒闇廢朝十八
日丁未左大臣藤原緒嗣致仕二月庚申朔
日有食之三月二十五日甲寅賑給義倉物
於東西悲田病者及貧窶者夏四月己未朔
角列陵守等言去月十八日山陵鳴声如雷
有赤氣南飛晡時又鳴赤氣西飛二十一日

大日本史 卷之三十一

己卯使參議藤原助掃部頭坂上正野等謝
肩列北南二山陵五月己丑朔日赤瓦光終
日不復八日丙申以鎮內裏怪并天變讀藥
師經於清涼殿修藥師法於常寧殿轉大般若
若經於大極殿限以三日諸司醋食兼禁殺
生十三日辛丑地震二十六日甲寅置万花
會万燈會於元興寺立為恒例六月戊午朔
令正六位上菅野高年於內史局始讀日本
紀是月伊賀尾張參河武藏安房上總下總

近江上野陸奥越前加賀丹後因幡伯耆出
雲伊豫周防飢賑恤之秋七月二十九日丙
辰晦百官即吉八月七日癸亥御大極殿遣
使奉幣帛於大神宮八日甲子信濃言瑞雲
見二十四日庚辰以禳怪異轉讀大般若經
於大極殿修法於真言院五日諸司潔齋九
月二十一日丙午宴紫宸殿二十九日甲寅
肥前豐後薩牟臺岐對馬飢賑給之冬十月
十八日癸酉遣使奉幣香推廟禱國家太平

是日公卿封祿復旧詔曰朕道昧司牧富殷
之風仍虧政乖雍熙人之九載之貯往者元
旱為害秋稼不登顧經給之不周暫損服御
之費而卿等志叶退食切深權宜分折封祿
以助公用是救弊之緩急興邦之變通朕雖
答匪躬之誠猶懷屯膏之愧適屬兼秋之頗
熟知費用之稍支所域祿封宣一復旧貫十
一月九日癸巳地震十二日丙申遣參議正
躬王奉幣帛於賀茂神社祈國家昌泰十二

月二十二日丙子從五位上父室官田麻呂
謀反發覺諸門戒嚴二十九日癸未流官田
麻呂於伊豆

十一年甲子春正月甲申朔以大雪廢朝三
日丙戌觀太皇太后於冷然院二月甲寅朔
日有食之九日壬戌行幸水成瀨野二十五
日戊寅行幸交野三月二十六日己酉觀太
皇太后於冷然院夏五月十六日戊戌越前
凱賑之六月癸丑朔宴紫宸殿四日丙辰若

大日本史 卷之三十一

狹飢賑之七日己未太宰府獻白鳥秋七月
二日癸未以右大臣源常為左大臣兼左近
衛大將皇太子傳如故兼已下大納言橋氏
公為右大臣十二日癸巳轉讀大般若經於
八省院祈雨閏月壬子朔宴紫宸殿七日戊
午御仁壽殿覽林邑樂二十一日壬申奉幣
大神宮祈防風雨災八月十三日癸巳幸北
野九月十日庚申白虹見於外記曹司廳前
冬十月六日乙酉御八省院遣使奉幣大神

宮十八日丁酉行幸水沼野及芥河以上二條未書

皆置十一月今推干支十一月所無而類聚國史紀畧其係十月日本書上文已有十月
庚辰朔紫宸殿宴等十一月二十九日丁丑
條蓋錯簡今訂之

行幸水成瀨野

十二年乙丑春正月戊申朔以大雪廢朝二
月戊寅朔宴紫宸殿十四日辛卯幸水成瀨
野二十五日壬寅遊櫛河陽三月六日壬子
以有怪轉讀大般若經於禁中及真言院兼
修陀羅尼法限五日夏四月二十七日癸卯

大日本史 卷之三十一

大日本
卷之三

奉幣畿内名神五月丁未朔轉讀大般若經
於大極殿七日以祈雨五日辛亥停節六日
壬子大雨十二日戊午不豫誦經七寺十六
日壬戌瘳秋七月丙午朔日有食之二十七
日壬申遣使奉幣大神宮祈晴二十八日癸
酉山城飢賑之八月四日戊寅地震二十五
日己亥又震此條類聚國史九月二十一日乙丑暴
雨大風二十六日庚午讀經於紫宸殿此條畧
冬十月十四日戊子不豫類聚國史

十三年丙寅春正月三日乙巳觀太皇太后
於冷然院二十七日戊戌地震三月九日庚
戌敕五畿内諸國甄錄所在皇胤以紂真偽
十九日庚申大和言山心迎郡長屋御牛產三
足犢夏五月十三日癸丑讀經於八省院三
日以祈雨二十九日己巳出羽飢賑之秋八
月十七日丙戌慶延曆寺定心院冬十月二
十七日乙未敕天下修佛名懺悔立為恒式
十二月十一日戊寅西大寺講堂火

大日本
卷之三

大日本史
卷之三十一

十四年丁卯春正月戊戌朔以大雪廢朝三日庚子觀太皇太后於冷然院二月十日丙子赦流人六十二人入京三月十一日丙午轉讀大般若經於清涼殿修真言法於常寧殿御八省院奉幣大神宮閏月本眉晚閏月二字今據曆之法補四日己巳天鳴餘響鼓數刻而止十三日戊寅有烏億萬繞日上下自日中至黃昏十五日庚辰集八百僧於城中講仁王經以祈國家昇平是月數有群鳥遲明蔽天東

飛夏四月六日庚子幸神泉苑五月十一日乙亥先是天皇受莊子於文章博士春澄善繩是日設竟宴於清涼殿二十七日辛卯召春澄善繩於清涼殿讀漢昏六月三日丙申大風雨發屋折木四日丁酉遣使奉幣松尾祈之甲戌按是月无甲戌蓋甲辰常陸新治之訛甲辰乃十一日也郡女子一產三子賜正稅稻三百束二十一日甲寅以左相撲司伐葛野郡槻樹作大鼓有崇奉幣及鼓於松尾祈謝之秋七月二十

大日本史
卷之三十一
四八

三日丙戌奉白馬幣帛於丹生川上兩師祈
晴八月癸巳朔宴紫宸殿十七日己酉遠江
綦原郡女子一產三子賜正稅三百束九月
十八日庚辰入唐求法僧慧雲獻孔雀鸚鵡
狗冬十月十九日辛亥授雙丘東墳從五位
下每遊獵駐蹕以四望故爵之二十日壬子
辛雙丘大池放鷹十一月九日辛未天北有
声如雷十七日己卯遣使京畿大寺三十六
所誦經修福二十日壬午有大流星東行十

二月十九日庚戌右大臣攝氏公薨
嘉祥元年戊辰春正月四日乙丑令七道諸
國貢身長六尺已上者十日辛未以大納言
藤原良房為右大臣二十日辛巳幸神泉苑
放隼二十九日庚寅有狂夫欲闕入阼明門
門衛捕之二月十日庚子上總馳傳奏俘囚
凡子廻毛等殺敕相摸上總下總等五國討
之十二日壬寅上總奏斬獲俘囚五十七人
二十二日壬子地震声如雷犬皆驚吠二十

大日本
卷之三十五

大日本
卷之三十五

大日本
卷之三十一

六日丙辰不豫是日宮城坤角垣瓦無故頽
落三月六日乙丑神泉苑東垣瓦八大餘無
故頽落八日丁卯地頻震十三日壬申伊豆
沓路飢賑之二十一日庚辰依前相摸女攝
永範請置相摸救急院三代二十八日丁亥
地震夏四月三日壬辰地震五日甲午幸神
泉苑轉御冷然院遂北野十五日甲辰遣內
監七人誦經諸寺十七日丙午幸冷然院五
月己未朔日有食之六日甲子四品良貞親

王薨七日乙丑天皇不豫頒使七寺同時誦

經十日戊辰御武德殿閱覽武藝二十二日

庚辰避暑冷泉院是日地震壬申本書別有

條壬申乃十四日也此蓋壬午之訛壬午二
十四日也然類聚國史紀畧亦作壬申故不

輒改太宰府獻白龜六月二日己丑奉幣兩師

神社以祈晴三日庚寅越中飢賑之是日公

卿上表賀白龜瑞五日壬辰敕曰靈心演貺

佇休曆而必臻神道効禎在至仁而斯感是

以遊蓮瑞質表昌化於堯壇戲藻竒姿契禩

大日本
卷之三十一

期於軒浦朕嗣膺寶曆恭纂瑤圖道謝鴈行
風慙雉飲省衣禹室空慙納阮之心時食堯
宮未致可封之化而今鄉等表賀如斯朕之
菲虛何以克任况復神無常祐惟德是依瑞
無常臻因化呈象故寶祚之憂在道不在神
天下之平惟人不惟瑞但使內富駟虞之相
非求水伯之榮光朝盈鴻漸之英何用波臣
之耀彩鄉等宣叶濟匡以助薰風嘉祥之美
情所未恃八日乙未公鄉童表賀式部省及

僧綱等亦上表賀十日丁酉敕奉幣天下名
神豫防兩害十三日庚子改元嘉祥詔曰玄
枵丹軸通上靈以凝禎祥津伯鱗宗暢潛貺
以發禡祉名為巨瑞千載而稀一遭謂為四
靈百王之所同貴近者太宰府獻白龜所管
豐之後國大分郡擬少領膳伴公家害於寒
川石上得之公鄉上表依據圖牒實合大瑞
朕自君臨赤縣子愛蒼朮勞疇軀於力機空
成踞暗而被薰腴於億兆遂慙勛華何以副

皇極經世一
卷之三十一

皇極經世一
卷之三十一

上玄之神契應幽贊之冥符故抑而不宣敕
斷慶賀而同稱靈應重表慤懃朕不忍閉距
及覆念之昔王仲任貶儒言以為溢猶謂麟
鳳之類唯華唐太宗嫌瑞物以為謙仍令龜
龍之流依旧况皇天之意唯欲愛人必福之
臻豈獨在予當是上賴宗祧之冥祐下緣台
輔之懃誠使蠢々含坐同驤首於弄域茫茫率
土共開懷於仁風宣播斯雷雨與天下維新
其改美和十五年為嘉祥元年大赦天下但

常赦所不免者不在赦限令天下無輸今年
田租之半又復徭役十日若已役者宣折來
年大分之郡嘉瑞攸出全免今年田租早先
書衣而施莫致拭壁之譏二十四日辛亥地
震是日不豫誦經諸寺二十五日壬子地震
二十七日甲寅天皇疾瘳秋七月二日己未
奉幣松尾賀茂貴布祢兩師社六日癸亥轉
讀大般若經於八省院並祈兩七日甲子有
颶風起自春興殿轉至右近衛陣簸揚炬屋

大日本
卷之三十五

大日本
卷之三十五

大日本史 卷之三十一

十七日甲戌奠幣天下神祇告白龜瑞十九日丙子遣公卿等告瑞於十二諸陵二十六日癸未棲鳳樓閣道有霰骨二十八日乙酉出雲飢賑之二十九日丙戌震于東西二京凡十一所八月五日辛卯大雨洪水人畜漂損六日壬辰遣使巡察京中被水害者齎米鹽賑恤之八日甲午遣使提津河內巡察水害開使近倉庫賑給之十八日申辰紀伊言牛一產三犢九月己亥按是月無己亥蓋乙亥之訛乙亥乃十九

也日鑄新錢詔曰觀夫洞八連三重規疊矩莫不交易以強國代遷以利民故鷹揚神文立九府之圓經龍相夫人施五銖之異制象乾坤之方圓同川岳而疑愆字積無遠不徃無深不臻使用輕通家國同利但輕重有異子母相通影入星掬形圖水行用捨之端無定小大之變隨時今者天賜嘉祥曆改年號若使銖文貨制仍舊不悛恐乖變通之規或罹流幣之咎宜改舊貫於鳧鑑磨新彩於金刀文

大日本史 卷之三十一

大日本史 卷之三十一

曰長年大寶一以當曰之十新之與旧並用
雜行將令用而不卷既富之而教之是日遣
左中辨藤原嗣宗等築茨田隄冬十月五日
辛卯幸神泉苑七日癸巳地震十日丙申御
内裏射場賜錢有差十四日庚子不豫遣使
誦經七寺二十日丙午地震二十二日戊申
本書作戊午今據類聚國史紀畧訂之幸神泉苑轉遊獵北野
二十六日壬子幸雙丘放隼十二月二日丁
亥地震四日己丑流刑部少輔和氣齊之於

伊豆乙卯晦流大判事讚岐永直於土左能
登奏渤海來貢

二年己巳春正月丙辰朔以去年天下洪水
秋稼不稔廢朝七日壬戌御紫宸殿覽青馬
三月五日己未行幸水生瀨野十日甲子地
震十四日戊辰不豫誦經諸寺十九日癸酉
宴公卿及近習於内殿賜衣被二十三日乙
亥本書作乙丑今據類聚國史訂之行幸雙岳廻幸冷然院
觀魚夏四月五日戊子敕定諸國穀直十日

大日本史 卷之三十一

皇朝通志
卷之二十五

癸巳隕霜十三日丙申地震五月甲寅朔日
有食之十五日戊辰講金光明經於清涼殿
三日二十五日戊寅幸神泉苑公卿集美福
門終日宴樂六月癸未朔以霖雨遣使巡撫
京城飢民間倉廩以賑恤丙子是月无丙子
蓋丙午之訛
丙午乃二
十四日也不豫誦經諸寺秋七月四日乙卯
地震十九日庚午又震八月壬午朔宴紫宸殿
冬十月二十六日丙午敕聽流人逸勢男龍
劍實山等入京十一月二十二日壬申皇太

子上表賀天皇壽四十獻奇翫珍羞水陸雜
物天皇御紫宸殿宴樂終日十二月十三日
壬辰太宰府驛奏豐後權守登美直名謀叛
閏月十日己未車駕巡省京城賑給貧窮者
至囚獄司詔免罪人群臣皆呼萬歲二十一
日庚午公卿已下飲宴於侍從所賜物有差
先是紀伊守伴龍男與國造紀高繼有隙發
兵捕高繼救勳龍男罪
三年庚午春正月庚辰朔以兩廢朝三日壬

日本史
卷之二十五

午地震四日癸未親太皇太后於冷然院六
日乙酉不豫十六日乙未垂簾觀蹈歌二十
日己亥內宴不御仁壽殿垂簾覽舞妓於清
涼殿二十三日壬寅地震二十六日乙巳敕
左右京職五畿內諸國司搜捕盜賊二十七
日丙午敕五畿七道諸國修葺頂經法以禳
疫癘己酉晦有流星經天落東其大如月色
赤青三月庚戌朔不豫三日壬子本書作壬
午字據紀
畧改分遣六衛府佐已下捕京師群盜令在

右近衛各十人巡檢東西五日甲寅大漸召
皇太子及大臣於牀下令受遺制遣使誦經
諸寺奉馬於鴨松尾等名神放鷹犬籠鳥修
延命法於梵釋寺造續命幡懸十二大寺刹
召入僧加持是日諸衛府警固七日丙辰遣
參議藤原助右馬頭藤原春津等於柏原山
陵禱疾九日戊午分遣內豎誦經諸寺十日
己未遣使賑恤京師貧民十三日壬戌誦經
七日十五日甲子轉讀大般若經於紫宸殿

三曰又修文殊八字法於仁壽殿二十一日
庚午地震二十二日辛未召僧實敏明詮光
定圓鏡等於清涼殿講論法華經三日天皇
隔簾聽之二十七日丙子遣使誦經京城及
平城四十九寺懸續命幡四十旒修延命法
三日又命真言僧徒修護摩法於豐樂院三
月五日癸未地震轉讀大般若經於紫宸殿
三日八日丙戌遣使誦經西京及畿内近江
丹波等一百寺圖畫帝釋像一百鋪安置各

寺十日戊子遣使誦經京城七寺十一日巳
丑受永不殺生戒於僧道詮等修理破壞寺
百院遣使誦經十三大寺十二日庚寅鈐印
撞鳴聲如振十四日壬辰天皇於田左右非
違獄中罪人除盜之外悉從放免十七日乙
未馳使誦經諸寺十八日丙申聽流人和氣
存之讚岐永直入京免豐後權守登美直名
紀伊守伴龍男等罪十九日丁酉修七佛藥
師法於清涼殿懸七佛像於簾前立七重輪

大日本史 卷之三十一

燈於庭中度僧十人於紫宸殿南庭先是有
詔度五百人是日天皇落飾受戒二十一日
己亥地震天皇崩於清涼殿年四十一二十
五日癸卯葬於山城紀伊郡深草山陵謚曰
仁明天皇謚已下文世稱深草帝愚管鈔神
置國忌於東寺江家遺制薄葬以帛布代絞
羅停鼓吹方相天皇叡哲聰明包綜衆藝最
耽經史講誦不倦能練漢音辨其清濁柱下
漆園之說群書治要之流凡厥百家莫不通

覽兼愛文藻善書法孝淳和帝之草書人亦
能別也工射屢御射場至鼓琴吹管最得其
妙苗意匠術盡詣方經嘗從容謂侍臣曰朕
年甫七齡得腹結病八歲得臍下絞痛之病
尋患頭風加元服後三年始得胸病如錐刺
刀割於是服七氣丸紫苑生薑等湯冷泉聖
皇憂之敕曰予昔亦得此病衆方不効欲服
金液丹白石英衆醫禁之不許予猶強服遂
得疾愈今聞所患非草藥之可治可服金液

大日本史 卷之三十一 八

丹若詢諸俗医必駁論不肯宣喚海沘海

一本海沘論辨服之乃服丹藥果得効驗兼

為救解石發設自治之法以備倉卒今至晚

節契發多變救解有煩世人未知朕躬之本

病上皇之救旨必謂安服丹藥兼絕自治而

敗焉宜記由来令免此謗天皇從少小疴羸

然春秋既踰四十蓋由修善行仁服食補羶

之力者欬按三善清行意見封事仁明帝在

傷農事飲宴歌樂之備震靡煥爛冠絕古今

府帑由是空虛賦歛為之滋起於是天下之

費二分而一此与本史甚不相類疑是史筆

其美封事

存其實乎

大日本史卷二十五終

日本書紀卷之二十一

順於仁壽殿及皇太子恒貞廢立為皇太子續

本後紀年十六嘉祥三年三月二十一日己亥仁

明帝崩天皇下殿御宣陽殿東庭休廬左右近衛

少將各一人率近衛等陣於休廬左右近衛以下

休廬續日本後記作皇太子直曹蓋直曹在宣陽殿庭或稱休廬其矣則一故從上文左右

大臣率諸卿及少納言左右近衛少將等獻神室

宝劔符節鈴印等左右大臣至少將等續日本後

左右近衛少將將天皇駕輦車移御東宮雅院左

大臣兼左近衛大將源常右大臣兼右近衛

大將藤原良房並如故左大臣補任下二十五

日癸卯葬仁明天皇二十七日乙巳暴風雷

而嵯峨山陵樹倒遣中納言安倍安仁察視

之公卿奏言施事天下猶稱令旨在於視聽

有所疑惑請稟天旨改令為救不許四月二

日己酉公卿再請又不許是日太宰帥三品

葛井親王薨三日庚戌公卿重請改令為救

許之六日癸丑地震天皇公除百官吉服十

一日戊午天皇移自雅院御中殿十七日甲

日本書紀卷之二十一 二

子天皇即位於大極殿年二十四尊皇母藤原氏為皇太夫人授群臣位有差十八日乙丑宣詔内外日易月之制雖批旧章臣子之道須存心喪宣命有司暮年之内禁宴飲作樂及著美服二十二日己巳詔放还佐度流人金刺福貴滿是月天寒五月二日己卯大風折木拔草四日辛巳太皇太后攝氏崩五日壬午薨嵯峨皇后九日丙戌轉讀大般若經於大極殿三日以祈雨十一日戌子雨水十

三日庚寅轉讀大般若經於東宮及中宮三日二十一日戊戌石見言甘露降二十六日癸卯雨雹大如鴨卵六月三日己酉震於西寺利挂十一日丁巳美作獻白龜二十日丙寅有流星頭尾轉行秋七月二日丁丑賑左右京貧窮者五日庚辰轉讀大般若經於大極殿以祈穀備前秋白龜九日甲申以皇女晏子內親王為齋宮慧子內親王為齋院十日乙酉石見獻甘露二十四日己亥雨水壞

大極殿前龜尾道十二丈八月十一日丙辰
公卿上表賀白龜甘露瑞天皇謙讓不當十
九日甲子群臣奏賀敕曰祥符所感在盛德
而應稱頌慶斯臻豈菲虛之可信朕自在大
喪事聽冢宰德未動近化何辜幽而今白龜
甘露之祥至今卿等表賀朕之荒思自知不
堪夫无災而患著自前蹟特瑞而凶非无往
鑒况上德不德盛德之祥无聞大聖絕聖應
聖之瑞自廢誠能道德成冒仁義為業若二

儀之不言若四時之潛運則万人仁壽誰須
千歲之靈龜百物咸盈豈慮曠時之甘露漢
光晋武是為吾師陳賀之言非攸欲聽二十
一日丙寅公卿重表請賀瑞許之二十三日
戊辰遣使奉宝釵明鏡名香線帛等於八幡宮
及香推廟二十四日己巳天南有聲如雷二
十六日辛未地震九月乙亥朔日有食之八
日壬午遣使撰津八十島是日右京人獲白
龜於撰津島上郡河上獻之十四日戊子遣

參議藤原助於賀茂社奉神室禱國家平安
十五日己丑遣藤原助於春日社加神位奉
神室以禱平安詔曰乾監不測隨皇化而効
靈神理非遙應人事而通感是以恩有所漸
龜鼈不秘出贊之符德有相覃雲露豫彰昇
平之瑞朕上遵遺制下酌群言辭不獲免遂
踐皇極然猶集蓼之痛弥切掄壑之慮未申
譬涉大川罔知攸濟即知天上甘露之潤未
必為朕而灑水中神蔡之智豈能賴朕而浮

故斷尚書之章不聽群公之賀而今撰津畿
服之地亦獲神龜而獻之僉謂不世之鴻符
難得而廢矣朕重違敷請再三念之若足百
神七廟之顧復一乃民三槐九棘之緝熙庶績
之所致者乎有司具擇吉日告於宗社失封
壇馬齒獻瑞不愆天貺攸降理須優異宜特
令撰津島上郡莫翰今年之調美作英多郡
石見安農郡備前磐梨郡並免當年庸獲龜
人岑成等叙從六位上賜物准例天下祝部

各免其租又五畿内七道諸國兼和六年以
往調庸未進咸從免除溥以膏潤申茲惠液
之祥布以至和協彼長生之瑞二十一日乙未
遣使奉幣揚津任吉社賽宿禱二十三日丁酉
以七月大水山崎橋斷是日敕遣中納言安
倍安仁源弘參議滋野貞主伴善男等就擇
使所置橋冬十月十六日庚申出羽言地大
震裂山谷易處壓死者衆二十日甲子遣使
紀伊日前國懸社奉神宝賽宿禱十一月二十

三日丙申詔曰紫極高映運亨毒而不言黃
屋尊居播惠愛而无博故勳華繼躅未隔於
勤勞禹履垂風猶同於含育朕忝奉先訓虔
抗令圖養荼蓼以銷神捲庶虞以剡思而今
至誠不暢小信未孚阴德懋和柔祇告譴出
羽州壤偏應銅龜之機边府黎甍空被梟禽
之言邑居震蕩蹈厚載而不安城柵傾頽想
艱虞而益恐咸須子視或至於死傷独作毋
臨何懈於極救宜馳星使就展恩光其被災

尤甚不能自存使國商量蠲免租調并不問
民狄開倉廩貸振其生業莫使重困崩墻毀
屋之下所有殘屍露骸官為掩埋務由優恤
庶俾委凍者知挾纊之溫阻飢者得廩牢之
飽二十五日戊戌立皇子惟仁親王為皇太
子以大納言源信為傳十二月十四日丁巳
雷雷仁壽元年辛未春正月甲戌朔以諒闇不受
朝十二日乙酉地震癸卯晦夜有流星大如

斗二月三日乙巳地震十三日丙辰以先帝
燕寢轉清涼殿材為嘉祥寺堂三月癸酉朔
日有食之十五日丁亥地震夏四月四日丙
午地震八日庚戌天皇始御南殿二十五日
丁卯召從四位下春澄善繩於北殿講文選
二十八日庚午改元仁壽詔曰體元居正陽
秋之格言去故成新易象之玄訓是以皇流
異派帝室分揮莫不改正朔以垂風變徽章
以演化者也朕以不敏嗣奉鴻基諒阴之禮

已終瘡臣之痛獨切但逾年以後日月推移
不率曰章恐招新譏去年即位之初頻得台
龜甘露之瑞雖朕之不德推而不居而聽於
公卿告之宗廟方今純阳布德万物成文宜
顧靈應於往時變年紀於今日其改嘉祥四
年為仁壽元年二十九日辛未晦地震五月
八日己卯雨水九日庚辰祈晴丹生川上而
師社十一日壬午地震二十四日乙未又震
六月壬寅朔宴賜南殿三日甲辰遣使伊勢

賀茂松尾乙訓等社以祈晴四日乙巳天晴
五日丙午分遣使者畿内賑病水者秋七月
八日戊寅地震二十二日壬辰起有光物墜
殿前八月庚子朔延僧一百餘於大極殿讀
大般若經以祈穀二日辛丑河内獻嘉禾十
日己酉大雨水此條日式部省獻異鳥雛放
之紀畧條十四日癸丑詔曰朕聞佑下民者
天也相上帝者君也君道得則天錫純嘏民
心苦則國或挺災朕以寡昧嗣守鴻基憂負

重而春冰顧取折以秋駕只願返淳源於既
遠舒景煦於方今家詠京坻之豐人誇鐘鼓之
聲而誠難感徹道謝潛通行神失和坎德為
涉去夏人民或坐為魚今秋廬宅乍成涌川
朕之不德百姓何辜憂心悠悠將何以寄其
使左右京及五畿內先出今年調被災尤甚
不能自存者有司量加賑恤俾安其居務班
恩惠稱朕意焉十五日甲寅遣左右檢非違
使廩給京師被水害者二十四日癸亥駿河

獻瑞草紫素朱莖九月庚午朔日有食之九
日戊寅以水災停節冬十月十一日己酉遣
使奉幣香椎八幡宮十三日辛亥地震二十
六日甲子御禊戌辰晦大被朱雀門十一月
六日甲戌日先精光中有黑點大如李二十
一日己丑地震二十三日辛卯大嘗十二月
八日乙巳遣使奉幣大神宮十五日壬子遣
使賑伯耆飢民給出雲飯石仁多兩郡百姓
復一年二十五日壬戌給遠江城飼郡百姓

大日本史 卷之三十一

復一年是歲冬温

二年壬申春正月三日庚午天皇觀中宮於

冷然院七日甲戌御豐樂院覽青馬十二日

己卯諸衛府獻鼓杖

覽青馬始于仁明帝儀和元年卯杖始于持統

帝三年然並不書為恒式而是年以後

往往見其為恒例可知故此後不書二月

三日庚子地震十九日丙辰播磨言紫雲見

二十日丁巳彗星西方見二十六日戊午太

宰少貳橋高宗獻白鼠三月下卯朔日有食

之六日壬申賜左右近衛官人己下見直者

物賑給京師尤貧者七日癸酉近江獻椒魚

八日甲戌遣使賑給播磨飢民十一日丁丑

詔諸大寺紀四月一日迄八月世日讀大般若

若經以禳水旱永為歲事十二日戊寅地震

十三日己卯敕洪範八政食居第二又殖貨

志云國無粟而可治者自古未之聞然則王

政之要生民之本唯在務農頃年諸國所告

不堪佃具數居多是由國郡官司不勤地利

不重民命甚非所以選擇良吏委付黎元凡

大日本史 卷之三十一

治田勤謹則畝益三斗不勤則損亦如是其
種而小勤所損尚然况廢而不耕其費更甚
一畝之田可食一戶一畝不耕一戶受飢既
多不耕之地何少受飢之人古者州郡官長
春出行田若有不耕課而田之獲者公私半
之是古人至重地利之急宜下諸道令曉此
情國郡司等親自巡觀修固池堰催勸耕農
力者褒而錄之懈者督而趣之
十三日以下三代格
五日辛巳遣使賑河內若狹因饑三國飢夏四

月八日甲辰遣使奉幣天下名神十八日
甲寅地震五月五日辛未停騎射走馬二十
七日癸巳大和言紫雲見是日甘露降於京
師樹大和越前加賀但馬因幡伯耆隱岐播
磨長門並言甘露降六月三日戊戌地震十
三日戊申遣使賑土佐飢秋七月十日乙亥
遣使奉幣賀茂松尾稻荷貴布祢等名神祈
雨十三日戊寅免遠江城飼郡貢賦十九日
甲申給肥前豐後貧民一萬六千餘口復二

十七日壬辰遣使奉幣馬於廣瀨龍田社祈
年是日六位以上儲官物而身沒者盡從恩免
二十八日癸巳暴風雨傷禾稼八月乙未
朔奉幣大神宮祈止風雨十九日癸丑遣使
奉幣越前氣比宮二十五日己未泷路言有
牛產兩頭犢二十九日癸亥晦地震閏月甲
子朔日有食之十二日乙亥大風發屋折木
十六日己卯以廩院米賑京師被風災者二
十二日乙酉地震二十七日庚寅大雨二十

九日壬辰分遣使者奉幣賀茂松尾等社祈
晴九月八日辛丑地震冬十月五日丁卯地
震遣使奉幣五畿七道諸神賽宿禱十八日庚辰
地震百聲如雷十一月七日己亥地震十二日甲辰遣
使奉幣丹波麻氣社十一月二十六日丁亥敕
五畿七道諸國讀金剛般若以禳疫神
三年癸酉春正月十三日甲辰地震十五
日丙午又震此條類聚十七日戊申停大射
十八日己酉停賭射諸本脫

之二月二十日庚辰移自東宮幸梨下院制
曰利國通規公謙為本安民茂躅損挹厥初
朕薰燠未施化迹仍踈恐黎氓之不親望列
辟以懋德而今所生男女皆當享封爵之重
疏湯沐之用思其煩費內以忸怩竊見乃祖
聖皇貽厥之謀除親王之號賜朝臣之姓亦
代相沿已為成式誠宜陶聖風而長扇共源
氏而混流但前弼親王不在此限同母後產
亦復一例慶雲之惠既無愛憎若樹之華更

有濃淡蓋以域中大寶在屈已以利人天下
至公欲損上以益下普告中外咸俾聞知庚
寅晦幸冷然院遂幸右大臣藤原良房第覽
櫻花是月京師畿外咆哮流行死者衆三月
十八日戊申地震二十二日壬子延一百僧
於大極殿轉讀大般若經三日以禳災疫二
十七日丁巳以穀倉院秘鹽給京師患咆哮
者夏四月二日壬戌地震十日庚午遣使犬
神宮祈災疫十八日戊寅無品成康親王薨

二十五日乙酉以飽瘡流行人民疫死停賀
茂祭遣使皆謝之二十六日丙戌詔曰皇王
建極布政貴其順時聖哲凝規宣風欲其應
節故能裁成庶物覆燾之德克隆光宅八挺
全濟之切斯遠朕以寡德忝統鴻基旰日勿
休乙夜忘寢非負四海之富非念九重之尊
只欲導仁壽以寘群生息勞役以安萬姓而
誠欵未申咎徵斯應飽瘡之疫流行薦瘥之
嗟競起當春夏陽和之時草木皆有以榮而

吾百姓疾病或陷於死亡朕之不德撫有乖
方憂惕之誠罔知所濟月令春夏下寬大之
令頒德化之政以順天常以救災變有司務
修職任欽奉時訓罪疑從輕賞疑從重貴地
爵掩骸之仁崇養老矜孤之德可大赦天下
但常赦所不免者不在赦限令天下州郡勿
輸羨和十年以往調庸未進優復百姓息當
年徭十日其疾病者長吏親自巡視量給藥
藥諸所極瞻務令優速庶隱恤之旨致感草

於上玄仁貸之風觸凶禮於中壤五月五日
甲午以災疫停騎射走馬十一日庚子詔十
七寺讀大般若經三日以禳災疫十三日壬
寅詔太宰府讀大般若經於觀音彌勒兩寺
四王院香推廟管内國分寺二十一日庚戌
太宰府上言壹岐島女子一產三子賜正稅
稻三百束二十二日辛亥詔美濃出穀二千
一百斛給患飽瘡者六月四日癸亥一品太
宰帥葛原親王薨秋七月四日癸巳地震十

五日甲辰又震十八日丁未奉幣大神宮以
禳災沴二十二日辛亥地震八月己未朔西
京失火延燒百八十餘家十日戊辰給伯耆
百姓復一年二十四日壬午地震九月戊子
朔大風發屋拔木九日丙申天皇不御南殿
賜侍臣菊酒以有災不舉樂十四日辛丑詔
太宰府賑穀三萬八千餘石於管内患飽瘡
者冬十月二日己未地震虹見於太政官廳
前十六日癸酉免安藝佐伯山縣沙田三郡

今年徭役十一月十三日己亥地震十二月
八日甲子以陰陽寮奏令諸國郡及國分二
寺據阴阳法每年鎮害氣
齊衡元年甲戌春正月丙戌朔以泥滓停朝
賀十七日壬寅停大射十八日癸卯停賭射
二十八日癸丑觀於中宮二月十三日戊辰
詔大和修灌頂經法以禳災疫十五日庚午
以尾張河溢詔復課口三分之一二十日乙
亥遣使賑丹後飢三月二十三日丁未石見

飢以不動稻三万五千束振之是春天寒殞
霜夏四月三日丁巳分遣僧於七道諸國名神
社轉讀般若以祈民福十三日丁卯天皇移自
梨下院御冷泉院二十六日庚辰尊皇太后曰
太皇太后皇太夫人曰皇太后給肥前豐後
窮民九千餘人復一年二十八日壬午陸奥奏
去年不登百姓困窮兵士逃亡已之也戊午虎
狼之類爭事強盜逆乱之前近在目前請發
援兵二千以備不虞敕許癸二千五月五日

戊子停騎射走馬十五日戊戌救陸奧賑給穀一萬石於俘夷十七日庚子地震是月甚寒山北微雪六月十三日丙寅左大臣兼左近衛大將源常麁癸未晦地震秋七月甲申朔日有食之二十三日丙午石見言醴泉出三日涸二十七日庚戌遣使大神宮豫鎮風雨是日大風雨洪水八月癸丑朔地震二十八日庚辰以右大臣藤原良房兼左近衛大將大納言源信兼右近衛大將皇太子傳如

故

皇太子已下補任

九月二十日壬寅地震二十三

日乙巳罷大納言源信右近衛大將以大納言藤原良相兼右近衛大將二十九日辛亥給陸奧百姓復一年冬十一月三日甲申地震二十二日癸卯又震辛亥晦詔曰上誓帝載下酌皇流莫不鍾靈貺以罔元割神符以改踰者近來石見國上醴泉味写濁醪狀凝芳醴雖朕之不德讓而弗怡然天意若曰使兆民賴之亦是宗社降靈俊人在官之所致

豈其為身而有顯辭也。有司宣擇吉日告宗社。又改仁壽四年為齊衡元年。授位賜物。准例。冀欲使曠代禎符及萬邦以共慶隨時德政。遂五帝而齊衡。十二月十三日甲子詔諸國奉幣諸神告瑞。

二年乙亥春正月壬午朔以泥濘停朝賀。十五日丙申陸奧請加發援兵二千以備俘囚之變。許之。二十二日癸卯天皇御新殿觀賭射京師多盜。敕搜索之。二十七日戊申陸奧

復請加援兵二千。敕曰夫邊要之寄安危攸繫。慎微慮萌。理固宜然。但時臨農要。人競耕稼。而多動士衆。遠行七戌。恐懷患役之嗟。終乏如歸之志。凡用兵之道。未必貴多。苟奮其力。一以當千。宜簡放近城兵一千人。和誘其心。精練其武。能守衛要以備機急。又知騷擾之由。爰於飢困。故賜賑給。料秬一萬斛。事須不論民俘。務加優恤。同以恩惠。慰其窮窘。二月三日癸丑。長星東北見。十三日癸亥。備中

皇極經世一
卷之三

言吉備津彦名神庫内鈴鏡一夜三鳴是日
禁京畿隱有格出附帳是日以下十七日丁
卯詔右大臣藤原良房參議刑部大輔春澄
善繩少外記安野豐道等修國史十八日戊
辰召一百僧於大極殿轉讀大般若經三月
十七日丙申大風雨夏四月二日庚戌地震
七日乙卯遣使奉幣吉備津彦名神十日戊
午禁私養鷹鷄是月大寒頒霜閏月十四日
壬辰有狐走過御前天皇射而獲之十五

日癸巳大雨水十九日丁酉遣使賑給相摸
飢二十三日辛丑祈晴丹生川上而師社是
月左右馬寮馬疫死殆尽五月五日壬子以
寮馬多斃停騎射走馬十日下巳地震十一
日戊午又震二十三日庚午東大寺奏大佛
頭自墮六月戊寅朔日有食之六日癸未震
於建禮門前柳樹七日甲申遣參議藤原氏
宗東大寺以換寮大佛二十一日戊戌地震
二十五日壬寅又震二十六日癸卯敕太宰

皇極經世一
卷之三

府按活浪人此條三秋七月丁未朔紀伊守

紀真高歎甘露二十六日壬申地震八月丁

丑朔又震二日戊寅又震十日丙戌兵庫鼓

自鳴二十五日辛丑地震長門言牛產兩頭

續九月七日癸丑有狼入東宮害人九日乙

卯地震十日丙辰又震十一日丁巳大雨十

九日乙丑地震二十日丙寅又震二十八日

甲戌命天下許施米錢於東大寺二十九日

乙亥地震冬十月三日戊寅又震十九日甲

午復出羽窮民一萬九千餘口十一月十五

日庚申地震十二月十二日丁亥又震

三年丙子春正月乙巳朔以雨停朝賀十七

日辛酉停大射二月十八日辛卯延一百餘

僧於大極殿及冷然院分讀大般若經三十

日癸巳地震二十一日甲午又震三月三日

丙午兩雹二十一日甲子天皇受西部灌頂

於僧囚仁天台座主記是月地震京師城

南屋舍壞佛塔傾夏四月癸酉朔地震二日

甲戌又震八日庚辰駿河言甘露降二十二
日甲午制五世王服色准諸臣辛丑晦虹見
於辨官廳前五日丙午停騎射走馬九
日庚戌延二百五十僧於大極殿冷然院賀
茂松尾社讀大般若經三日以禳災疫三十
八日己巳雨水六月壬申朔地震二日癸酉
又震十四日乙酉延二百六十餘僧於東西
及延曆崇福等十四寺讀新寫大藏經各三
遍限七日秋七月辛丑朔遣使奉幣諸社祈

雨十一日辛亥越中言旱十六日丙辰地震
十七日丁巳雨十八日戊午地震二十日庚
申若狹言旱二十四日甲子詔試諸沙彌讀
經度及算者二十八日戊辰地震八月辛未
朔特遣使神泉苑試諸持呪度有驗者七日
丁丑冷然院八省院太政官廳前同時虹見
八日戊寅安房言天雨黑灰十九日己丑狂
人闖入迎衛陣射殺之九月二十一日辛酉
地震二十二日壬戌讀金剛般若經於賀茂

日本書紀卷三十一

松尾社三日二十五日乙丑地震冬十月地
數震十一月庚子朔又震二日辛丑又震三
日壬寅天皇受晉書於刑部太輔春澄善繩
十四日癸丑地震十八日丁巳御池水黑數
日復二十三日辛酉遣權大納言安倍安仁
等於後田原山陵告將配天二十三日壬戌
大祓新成殿二十五日甲子有事於河內交
野郡柏原野園丘十二月庚午朔日有食之
十日己卯地震二十七日丙申常陸言木連

理二十八日丁酉美作獻白鹿放神泉苑
天安元年丁丑春正月庚子朔以阴雨停朝
賀十四日癸丑雨十七日丙辰天皇不觀大射是
日敕造新曆十九日戊午御新殿觀賭射二十
六日己丑曲宴按類聚國史歲時部子日曲宴及紀畧平城大同三年嵯
峨弘仁四年五年八年淳和天皇八年並有
正月曲宴然不揭子日之梅旦不載其為恒
例而不書此條書昔者正月月必有此事時謂
之子日態今日之宴修日迹此則恒例也
不故此後二月十九日丁亥以右大臣藤原良房為
太政大臣罷左近衛大將紀以下大納言源

日本書紀卷三十一

皇朝通志
卷之三十一

信為左大臣兼皇太子傅如故大納言藤原良
相為右大臣兼右近衛大將如故兼官如二十
日戊子大雨二十一日己丑改元天安詔
曰玄穹質暗効珍符而不言皇王至公代
神王而在德緬尋前載遵來尚矣朕以寡昧
續守洪基垂拱巖廊如履冰谷勞形育物亭
毒之仁未弘展敬奉天貫徹之誠或缺不知
幽顯有何感通去歲冬中景貺荐委美作國
貢白鹿一頭色均霜雪自絕毛群性是馴良

足稱仁獸不因仙馭來在彤庭重彼遐齡毓
千靈囿常陸國上言生連理樹二也二郡山
裏西處森然分根合幹異體同枝或相連其
間一文餘尺或交柯之上更挺好姿斯皆書
緹史而可傳誓瑞圖而有慶朕之菲虛非可
能致唯由宗社垂祐股肱叶贊余欲鐘此休
徵不享獨美施之惠澤徧及萬方宜免美作
常陸二國百姓當年徭役廿日就中瑞祥所
出重以優矜菅田郡調真壁郡庸今年可輸

皇朝通志
卷之三十一
三十三

並皆免之其馬中得異蹄郡司復臣全繼叙正
六位上賜物准例見者祥木吏民二人亦宜
量予爵賞又復天下黔黎今年之半徭伊勢
大神宮祢宜大物忌內人諸社祢宜及內外
文武官把務者賜爵一級但正六位上廻授
一子如無子者宜量賜物五位已上子孫年
二十已上者叙當蔭之階天下老人及僧尼
百歲已上者賜穀四斛九十已上三斛八十
已上二斛七十已上一斛鰥寡孤獨不能自

存者量加賑恤孝子順孫義夫節婦旌表門
閭終身勿事又令京畿及諸國將順春令埋
柩掩骼且夫隨時紀踰邦國之恒規因瑞建
元古今之通典可改齊衡四年為天安元年
朕欲檢祀奉游取自新然而數赦為害先聖
攸禁所以肆眚之詔今日寂寥傳告遐邇咸
使知聞二十八日丙申廢齋院慧子內親王
以無品迹子內親王為齋院是月地震震三
月七日甲辰延一百五十僧於冷然院新殿

及大極殿轉讀大般若經三日十六日癸丑
遣左右近衛兵衛檢非違使捕盜京南十八
日乙卯遣六衛府舍人等捕盜平城二十五
日壬戌遣使京南禁遏奸盜夏四月十一日
壬午修百座仁王會十九日丙戌以右大臣
藤原良相兼左近衛大將大納言安倍安仁
兼右近衛大將二十日丁亥地震二十三日
庚寅復近江相坂関特置大石龍華二関五
月丁酉朔日有食之五日辛丑不觀騎射八

日甲辰延一百餘僧於大極殿轉讀金剛般若
若經三日十一日丁未地震二十日丙辰地
震二十九日乙丑晦霖雨洪水六月二十五
日庚寅太宰府上言對馬島上縣郡擬主帳
卜部川知麻呂下縣郡擬大領直浦主等因
守立野正岑館行火射殺正岑及從者防人
參河上言廳院東庫振動秋七月十六日辛
亥下制太宰府省對馬島為賊誑誤及無罪
死獄者妻子十九日甲寅虹見於冷然院北

門東腋二十四日己未地震響如雷是月東
南西北兩角有聲如雷八月十四日戊寅天
昏如霧十五日己卯藻壁門自頽九月九日
癸卯以旱不御南殿不舉音樂二十五日己
未地震冬十月八日壬申雨九日癸酉地震
十二日丙子覽御馬賜侍臣各一匹十三日
丁丑雷雨十五日己卯遠江言木連理是日
白雲竟天廣四尺許二十三日丁亥夜女盜
入藏殿取服御物捕下檢非違使二十四日

戊子阴阳寮祈鼓自鳴三十一日乙未
阴阳寮祈鼓又自鳴七日庚子遠江言木連
理十二月十八日辛巳雷二十二日乙酉又
雷
二年戊寅春正月甲午朔以雪停朝賀五日
戊戌阴阳寮漏刻鼓自鳴十七日庚戌停大
射十八日辛亥停賭射十九日壬子參河言
木連理二十八日辛酉暴風大雨二月九日
壬申越後言木連理十日癸酉賭射十五日

成寅修百座仁王會十七日庚辰筑後高良
 玉垂神社火二十二日乙酉遣使搜捕京中
 群盜閏月十三日乙巳雨雹二十四日丙辰
 肥後言菊池城院兵庫鼓自鳴二十五日丁
 巳又鳴按丙辰肥後言益撰奏至之日書二
 之丁書丁巳又鳴直係其日未詳
 十八日庚申下对馬島百姓殺守立野正岑
 者於刑官鞠讞其罪三月十五日丙子令相
 模从滋野安成講老子莊子於侍從所是日
 始召諸司諸別所能書者於常寧殿寫般若理

趣經百卷二十三日甲申地震二十八日乙
 丑无雲而雷復四月壬辰朔日有食之二日
 癸巳以刑部大丞石川宗主大錄難波清宗
 等矯官宣作者符放免罪人佐伯官人等下
 刑官鞠罪六日丁酉雨雹大如碁子九日庚
 子夜室皇寺火十一日壬寅空中有声如雷
 是日頒遣使者奉幣諸大神社以祈國家二
 十三日甲寅地震二十四日乙卯大舍人寮
 火五月三日癸亥始置漏水於侍從殿正院

外漏刻十一日辛未廢侍從殿漏刻十五日
乙亥大水二十二日辛巳大雨二十二日壬
午大雨洪水河溢橋斷東堀川水浸令然院
左衛門陳直廬漂流左右京溺死者多二十
六日丙戌地震無雲而雷二十七日丁亥有
流星長一丈許遣使巡換西京水害二十八
日戊子無雲而雷遲明有星八月魄中二十
九日己丑出穀倉院穀二千斛民部廩院米
五百斛大膳職塩二十五斛賑給左右京被


水窮民六月七日丙申和泉言雷震破公私
廬舍殆百宇損田苗二十許町人死傷大木
碎十日己亥有流星大如月色青赤經天西
落空中有聲如雷十一日庚子有白雲自良
亘坤時謂旗雲十三日壬寅地震二十日己
酉太宰府言去五月一日大風暴雨九国二
島盡被損傷肥後菊池城院兵庫鼓自鳴不
動倉十一宇火二十一日庚戌大霧無雲而
雷大風秋七月五日甲子武藏獻白雉十二

日辛未祈雨乙訓水生貴布祢等神十九日戊寅雨二十七日丙戌大雨八月四日壬辰若狹言兵庫鳴聲如鈴十九日丁未有雲竟天二十三日辛亥天皇不豫二十四日壬子皇太子侍嘗藥公卿大夫候陣頭是夜歲星守牽牛二十五日癸丑親王公卿護昶東鈞臺二十六日甲寅詔曰皇天無親惟德是輔人心有隣惟惠是懷朕以寡薄忝臨大階皇將巖廊為逸恒以億兆為念而春澆俗薄誠淺

偽深故知方者斷趨辟者繁不能以仁義浸澆禮讓甄陶秋典日聞於帷幄弊罪相係于園空觸網履校既可矜傷者過崇恩彌切心慮宜給此愷澤暢彼旣鬱可大赦天下但常赦所不免者不在赦限是日大漸二十七日乙卯崩於新殿年三十二九月六日甲子葬於山城葛野郡真原山陵謚文德天皇後改陵名曰田邑置守陵四戶世稱田邑帝貞觀二年置國忌於西寺

改陵名以下
王代實錄

天皇自登宸



極重心政事性甚明察能知人茲專思屏平
之化不好巡幸遊覽仁壽齊衡之間頻得嘉
瑞以薦陵廟至于禁網漸密憲法頗峻天下
以為明帝察察官署屢聞遷除之事史人還
豫亮罷之憂而聖體羸病頻廢萬機撫運不
長在位已短天之降命蓋有數歟

大日本史卷二十六終

大日本史卷二十六終

